



Шогшо эл, порымлык да гын берг!

51-ше (3439) №,
2019 ий 21 декабрь,
шуматкече.

БУДЬ ГОТОВ ЯМДЕ-ЛИЙ

1933 ий 1 февраль годсек лектеш.

0+



Газет
Медведево
районлан
пӧлек-
лалтеш.



Н. СЕМЕНОВА, фотожж.

МАРИЙ ШОМАК ВИЯН!

Турша школышто тунемше нине ўдыр-влак: Настя Жаркова (3-шо класс), Злата Охотникова (1-ше класс) да Катя Иванова (3-шо класс) – шочмо марий йылме дене каласыме ик шомак сенымашыш шуаш полша манын шоненыт мо? Уке, очыни. Но марий мутын виян, келге шонымашан да лишыл улмыжым «Живое слово родного края» республикысе усталык конкурсышто сенгышыш лекмекышт умыленыт. Ўдыр-влакклан, ик шомакым образыш савырен, шочмо кундемын сӧраллыкшым, поянлыкшым, ойыртемалтше тўсшым, историйжым, йўлажым почын пуаш кўлын. Нунылан туныктышышт да класс вуйлатышышт Ольга Николаевна Тарасова, ача-авашт ден ковашт полшенит. Настя подкогыльо нерген каласкален. Катялан сенымашке шуаш команмел-

на «полшен». Злата шордо нерген ойлы-машым возен да янлыкым пластилин гын ненчен.

Марий Эл Республикысе образований да науко министр Н.В.Адамова ўдыр-влакым Марий тиште пайремыште саламлен. Российын сулло сўретчыже Иван Ямбердов, Марий Эл Республикысе культурын сулло пашаенже Римма Сапаева дене вашлийын мутланымаш да пел курым ончыч савыкталтше «Ямде лий» газетым шергалмаш (снимкыште) шымлыме пашалан у шонымашым шочыкте-ныт. Историеш кодшо пырля войзалтме снимке тек у сомылын икымше ошкыжло лиеш.

Л.ГРИГОРЬЕВА.





ЛУЙ МОДМО ВЕР

МЕДВЕДЕВО РАЙОН



Шочмо ялем

*Рвезе ен гай шудыранын,
Шочмо алышкел толам.
Шійм-кылемже кумыланын,
Ужар шудым тошкалам.*

*Чо кунам мый тышке
ом тол,—
Вургыжеш шіймем эре.
Пуйто өрдыж каен омыл,
Коден шочмо ты верем.*

*Керек-кушто паша шолмым
Шіймем дене вик шижам.
Илыннан вашталтын
толмым
Шочмо ял гыч раш ужам...
Макс МАЙЧ.*

«Медведево
муниципал район»
администрацийым
Д.С.ОКУЛОВ
вуйлата.

Медведево
район 2791,18
квадратный километ-
рым айла.



Тачысе
кечын 67
тўжем угла
ен ила.

Чылаже
ола шотан 2
илем, ял
шотан 16
илем, 160
ял, села,
посёлко уло.

Тыште талантан шуко ен шочын-куш-
кын: РСФСР-ын сулло, Марий АССР-ын
калык артистше Т.Григорьев, МАССР-ын сулло артист-
ше Т.Соколов, РСФСР-ын сулло, МАССР-ын калык
артисткаже А.Страусова, артист, писатель-юморист
П.Казаков, артист, драматург, поэт И.Смирнов
(Плешков), писатель-влак Н.Арбан, Ю.Артамонов,
А.Бахтин, А.Васинов, А.Докукин, М.Майн, В.Орлов,
В.Ошэл, А.Питателев, А.Савинов, Г.Смирнов,
А.Спиридонов да молат.



Посёлкысо шонгыен Александра Ивановна
Минакова (Новожилова) дене вашлиймеке, кызтысе
Исупов урем олмышто ожно ото верланыме нерген
пален налыныт. Ожно ты кундемшыте Аксаматсола
марий ял лийын (1958 ийыште Медведево посёлко
дене ушнен). Ото улмаш. Тушко кумалаш коштыныт.
Тунемше-влак туныктышышт О.А.Задворных,
Р.И.Чендемерова дене пырля миеныт. Шошым суб-
ботникым эртараш палемденыт.

Медведево посёлко нерген шоу-йомакым ямдылат. Самырык краевед-влак
марий кочкыш, тўр, пайрем дене палыме лийыт.

«**МариБлогинг**» мастерскойышто «Час
Пи» да «МариБлогинг» кружок-влак пашам
ыштат. Тунемше-влак шочмо кундемын
историйжым шымлат, шонгыен-влак дене
вашлиймашым эртарат. О.А.Задворныхын
вуйлатымыж почеш йоча-влак камер,
видеопрограмме-влак дене пашам ыштат
тунемыт.

О.В.ШИШКИНА, проект вуйлатыше.
Медведево гимназий.

Маша Чеботарёва
(**снимкыште**) Кугу Ача-
мланде сар жапысе кочкы-
шым ыштен да йолташыже-
влаклан конден. Тудым тыге
ыштат улмаш: кечшудо куча
ден мўйым лугат да кампет-
кым ыштат. Лўмжō пеш
онай: дуранда.



«Медведевысе шортньо»

Тыгай проектым илышыш шынгарена.
Тўн шонымашна: «Медведево пайрем» у
йўлам шочыкташ да гимназий пелен
мастерскойым почаш. Мастерской кум
направленийым авалта. Иктыже –
«**МариТарелка**». Л.В.Сазонован вуйла-
тымыж почеш тушто 2 кружок пашам
ышта: «Мультяшки» да «Художественная
роспись». Тунемше-влак марий сынан
талингам сōрастарат. Марий йомак
почеш комиксым кельыштарат.

Вес направлений, «**Марий сандалык**»
клуб, «Изи маска» театр студийым (вуй-
латыше – И.А.Соловьёва), «Тулото» ден
«Ший памаш» краеведений кружок-вла-
кым (вуйлатыше – Р.И.Чендемерова),
«Бумеранг добра» волонтёр отрядым
(вуйлатыше – А.Н.Шукшанова) иквереш
уша. Изи артист-влак

Медведево районысо образований да самырык-влакын пашашт шотышто пӧлкам **Н.Н.ДЕРБЕНЕВА (снимкыште)** вуйлата.

Туныктым пашан лектышыж дене Наталия Николаевна палдара:

– Илышын йодмыж почеш, кызытсе школ туныктым вергына огыл лийшаш, тудо илышын рӱдыжкыжӧ савырнышаш. Келге шинчымашым пуымо, воспитатлыме дене пырля йоча-влакым ончыкылык илышлан ямдылыман, усталыкыштым вяндаш йӧным ыштыман. «Образование» нацпроект лач тидым йодеш. Педагог-влак туныктым пашаштышт у методикым, йӧн-влакым кучылтыт, кажне йочан уш-акыл ойыртемжым шотыш налын, пашам ыштат. Лектышым ВПР, ОГЭ да ЕГЭ тергат. Кодшо тунемме ийыште ЕГЭ-ште 100 баллым погышо-влак лийыныт. Тиде Пурсанур школ гыч Виктория Соснина (руш йылме да обществознаний), Шуко профилян лицей-интернат гыч Костя Житников (математике), Настя Швецова, Кирилл Яшметов (физике). Идалыкым иктешлыме почеш, районышто успеваемость 97 процент лийын, а шинчымашын кӱкыштӧ – 46,6 процент.


– *Йоча-влакын усталыкыштым вяндылашты ешартыш шинчымашым пуышо тӧнеж-влакын надырышт кугу. Тыге вет,*

Медведево районышто 29 школ (18 кыдалаш, 7 тӱн, 2 тӱналтыш, кастане тунемме 2 школ), 21 йоча-сад, 12 школ пелен школан ямдылыме 34 группо, ешартыш шинчымашым пуышо 2 тӧнеж уло. Йоча-садлаш 5127 йоча коштеш, 8663 ӱдыр-рвезе школлаште тунемеш, тышеч 1247 икшыве икымше гана парт коклашке шинчын. Туныктым пашаште 1054 педагог тырша.



Наталия Николаевна?

– Районышто ешартыш шинчымашым 6 направлений почеш пуэна: художественный, физкультур да спорт, туризм да краеведений, технике, социально-педагогический, естественно-научный. «Успех каждого ребёнка» регионысо проект дене келшышын, районышто технике направлений почеш эше 138 йочалан верым ешарыме. Физкультур да спорт дене



Школ – илышын рӱдыжӧ

кылым кучышо, художественный направлений почеш усталыкыштым вяндыше ӱдыр-рвезе-влак тӱрлӧ тагасымаште сенымашке шуыт. Медведево районысо йоча усталык пӧртын педагогшо-влак А.А.Абатин, И.С.Гладышева, Йоча да самырык-влак «Сириус» усталык пӧртын педагогшо Ю.И.Яндулов кӱкшӧ лектышым ончыктат.

– *Туныктышо да тунемше-влак проектлашке ушнат?*

– Ешартыш шийвундым кондышо пашам ышташ тунем шуыныт. Медведево гимназий «Медведевское золото» проектше дене Юл кундем федерал округысо «Культурная мозаика малых городов и сёл» конкурсышто танасен, сенышыш лектын. 2-шо номеран Медведево школын «Краски улиц» проектше «100 городских лидеров» всероссийский конкурсышто ойыртэмалтын.

– *Самырык тукым туныктышын профессионализм ойырен налаже манын, районышто могай паша эртаралтеш?*

– Туныктышо кадрым ситарыме шотышто районышто нелылык шижалтеш. Тений 14 самырык ен образований

пашашке ушнен. Руэм, Шойбулак, 2-шо да 3-шо номеран Медведево школлаште опытан туныктышо-влак самырык педагог-влак ушта наставник улыт. Тунемше-влакым ты профессионализм ойырен налаш кумыландат. Тений 3 выпускник туныктышо профессионализм ойырен. Тиде, мутат уке, пеш шагал.

Л.ГРИГОРЬЕВА мутланен.

Сенымаш

Туныктышо профессионализм чапшым нӧлталаш, уста педагог-влакым ойырен палемдаш тӱрлӧ конкурс полша. Мутлан, Медведево посёлкысо 3-шо номеран «Золотая рыбка» йоча-садын воспитательже Е.А.Апостолова «Идалыкын воспитательже» республикысе конкурсышто сенышыш лектын. «Серафимовский учитель» регионысо конкурсышто Руш Кукмарий школышто тӱналтыш класслам туныктышо В.П.Ельсукова сеныше лийын. 2-шо номеран Медведево школышто тӱналтыш класслам туныктышо Т.М.Анисимова 200 тӱжем тенге премий дене палемдалтын.



Шочмо йылме – поянлык



2019 | МЕЖДУНАРОДНЫЙ ГОД
ЯЗЫКОВ КОРЕННЫХ НАРОДОВ

Пекшиксола
школ

Ава да йолташ гай

Школышто паша опытан ятыр туныктышо тырша. Нунын кокла гыч иктыже – Россий Президентын грантше дене палемдалтше, Калык просвещенийын отличникше, Марий Эл Республикын сулло туныктышыжо Г.А.Петрова (**снимкыште**). Тудын паша стажше – 39 ий. Тышеч 34 ийже Пекшиксола школышто марий йылмым да литературым туныкта. Самырык педагог-влаклан тун энгертыш да польшкалыше.

– Ончыч тыште кугыенжат, йочажат марла мутланат ыле, – оила Галина Алексеевна. – Икшыве-влак шочмо марий йылмым кумылын тунемынит. Конкурслаште, олимпиадылаште эре сенгыше радамаште лийынит. «Ямде лий» газет дене пенгыде кылым кучымо. Но пытар-тыш ийлаште ача-ава-влак марий йылмым вес семын аклаш тунгалыч.

Кызыт школышто 2-9-ше класслаште кугы-жаныш марий йылмым тунемыт. 5-ше клас-



сыште тунемше-влакын расписанийыштышт ИКН урок уло. «Марий Элыште илена гын, марий йылмым палышаш да тунемшаш улына манын йоча-влаклан эре шижтарем, – оила туныктышо. – Тиде шкем пагалымым да шочмо вершорым аклымым ончыкта».


Л.ГРИГОРЬЕВА.

Кундемын удыржю

**Анастасия
Деомидовна
Кедрова (1895-
1981)**



Нурма селаште шочын-кушкын. Царевококшайскысе гимназийым тунем пытарен. Морко, Волжский районласе школлаште пашам ыштен. Марий удырамаш-влак коклаште икымше коммунистке, мер пашаен, калык коклаште умылтарыме пашам нангаен. Марий кундемыште 1917-1920 ийлаште Совет властым ышты-маште чот тыршен. Марий йылме дене книгажам ямдылымаште да савыктен лукмаште надырже кугу. 1985 ийыште Нурма школышто А.Д.Кедрован бюстшым шогалтыме, селасе ик уремжылан лумжым пуымо. Йошкар-Олаште шарнык-тыш онам пижыктыме.



Тунемаш тарата


Икымше туныктышо С.И.Купсольцева дене вашлийме жапым эре шарнем. Поро койыш-шоктышан, шыма шинчаончалтышан педагог вигак кумылем савырен. Светлана Ивановнан паша стажше – 50 ий, а Руш Кукмарий школышто 43 ий тырша. Ты жапыште 200 наре йочам лудаш, возаш туныктен. С.И.Купсольцева – пырля пашам ыштыше-влаклан, тунемше-шамычлан пример. Светлана Ивановна кызытат кугыжаныш марий йылме урокым вуда. Кажне тунемшын чонышкыжо шочмо йылмын кулешлыкшым намиен шукта. Школым тунем пытарымеке, тудын пашажым умбакыже шуяш тунгалам: туныктышо лиям.

**Арина БЕЛОВА, 6-шо класс.
Руш Кукмарий.**

Эн тутло команмелна

Арина Шадрина (**снимкыште**) Азяково тунгалтыш школышто тунемеш. Йоратыме урокшо – марий йылме. Марла возаш, почеламутым лудаш туныктышыжо Елена Сергеевна Черенок туныкта. Каныш кечылам Арина коваж дене эртараш моткоч куана. Марий йула, кочкыш нерген йодыштеш. Рая коваже йоратыме кочкышыжым – команмелнам – кужштеш. – Команмелнан руашым лугымо чын рецепттым мый ом пале. Очыни, ала-могай секретше уло. А кузе кужштмыжым шарнен кодынам, – оила Арина. – Эн ончыч мелна руашым салмашке пыштен, конгаш куктен луктеш. Вара тушко умбалым шуралта да угыч конгаш чыка. Тыге ковамын мелнаже пеш тутло лиеш.

Е.ИВАНОВА.



МЕДВЕДЕВО РАЙОН



6 декабрьште Медведево йоча книгагудышто «Пелед, түзлане, Марий Эл!» почеламутым лудмо районысо конкурс эртаралтын. Тушко сылнымутым йӱратыше 27 тунемше ушнен. Мотор, пеледыш гай койшо марий вургеман

Марий улмышт дене кугешнымышт шижалтын. Уло чоным пыштен, марий поэт-влакын почеламутыштым лудыныт. Ме, жюри ег-влак, нунын мастарлыкыштым кок номинаций дене акленна да сенгыше-влакым палемденна.

Аван шӱмжӱ гай поэзий

ӱдыр-рвезе-влак, калык ончыко лекмекышт, чылт артистыш савырненыт.

1-4-ше классла коклаште: 1-ше вер – Екатерина Иванова (Турша школ), 2-шо вер – Елизавета Лебедева (Шойбулак школ), 3-шо вер – Кира Сидоркина (Медведево гимназий) ден Артём Ильин (Сенькан школ).

5-8-ше классла коклаште: 1-ше вер – Настя Иванова (Руэм школ), 2-шо вер – Ксения Камалиева (Пекшиксолоа школ), 3-шо вер – Соня Васильева (2-шо номеран Медведево школ) ден София Соколова (Нурма школ).

Е.ИВАНОВА.

Авторын фотожо.

Шочмо школ

Руэм школ 2019 ийыште 100 ияш лӱмгечыжым палемден. Школна кугу, мотор да яндар, кум пачашан. Туге гынат йоча-влак кок смене дене тунемыт. Кочмывер, спортзал, хореографий зал уло. Школышто сӱрет конкурсым, олимпиадым эртарат, йомакым ончык-тат, «Репортёр» лӱман пырдыжгазетым луктыт. Почёт она уло: тушто сай тунемше-влакын фотографийышт кеча. Кажне кечын школыш куанен коштам.



Валерия ЧЕМЕШЕВА,
4-ше «А» класс.



2-шо номеран Медведево школ

«Педагогический дебют» республиканский конкурсын «Молодой учитель» номинацийыште И.Н.Бирюкова (2017) ден Н.Т.Набиуллина (2018) лауреатыш лектыныт.

МЕ ОГЫЛ ГЫН, Кӱ?


Тунемше-влак «Краски улиц» проектым илышыш шындарат.

Шочмо посёлкысо илыме пӱртла да моло оралте пырдыжеш тӱрлым удыркалат. Южо сӱретыште тыглай рекламе гына огыл, а уда пашалан туныктышо текст-влакымат возкалат. Утыждене сӱретлен пытарыме олмым тунемше-влак йоча сӱрет дене «петырат». Ме огыл гын, илыме верна верч кӱ тургыжланаш тӱналеш?! Проект почеш пашам ик идалык ыштена. «Оласе 100 лидер» всероссийский программыште сенгыше-влак радамыш лектына. «Дети Марий Эл» республиканский конкурсышто «Юные волонтеры» номинацийыште сенгыше семын палемдалтынна. Умбакажат пашам кыртмен ышташ тӱналына.

Н.КОШКИНА,
туныктышо.



Кундемын ӱдыржӱ



Светлана ЯНДУКОВА,
мурызо, композитор:
– Мый Кома ялыште шочынам. Кызыт Пурсанур селаште илем.

Самырыкем годым шочмо районышто тӱвыра ала-ныште тыршенам. Пырля пашам ыштыше йолташем-влак кугу шӱкалтышым ыштеныт. Пурсанурышто эстраде студийым вуйлатыше Геннадий Аркадьевич Бажановлан кугу тау!

Тӱналтыш класслаште туныктышо Т.М.Анисимова «Идалыкын туныктышыжо – 2018» всероссийский конкурсын лауреатше лийын. Тудо Россиясе эн сай 15 туныктышо коклашке логалын.



Салика ден Маска


Школыштына

«Шочмо эл мучко» мероприятий эртен.

Йоча-влак шочмо кундемашт нерген почеламутым лудыныт, мурым муреныт. «Марий Эл – Онарын мландыже» презентаций чылалан келшен. Ёдыр-рвезе-влак марий калыкын эртыме корныжо, рудоаланан ондакысе тўсшў, пошкудо калык-влак да моло нерген пален налыныт. 3-шо классыште тунемше-влак Шочмо мландым фашист-влак деч аралыше кугезе качашт нерген кугешнен каласкаленит.

Пайремын унаже Салика лийын. Тудын дене пырля икшыве-влак янлык, кушкыл-влак да нуным аралаш кўлмў нерген шарналтеныт. «Угадай-ка» модыш дене уло кумылын модыныт. Вес уна – Маска. Тудо чодырам аралыме нерген ойлен, «Эхо» модыш дене модыктен.

О.ГОРДЕЕВА, туныктышо.




Кундемын ёдыржў



Тамара СИТНИКОВА, мурызо:

– У Кома – мыйын шочмо ялем. Мыланем тудо моткоч шерге да лишыл. Ялысе школым тунем пытарымеке, Н.К.Крупская лўмеш Марий кугыжаныш пединститутыш шинчымашым погаш пуренам. Авам семынак туныктышын корныжым ойыренам. Кызыт йочасадыште куа-нен пашам ыштем. Йоча-влакын порын вашлиймышт мом шога! Тидлан ешемлан да туныктышем-влаклан кугу таум каласынем!



МЕДВЕДЕВО РАЙОН

Онар каласкален

Ме «Край, в котором мы живём» театрализованный представленийым онченна. Вўдышў Онар лийын. Тудо Шордо, Маска, Шогертен, Лев дене пырля Марий Эл нерген онайын каласкален. Ме пырля модынна, куштенна. Жапым пайдальын да веселан эртаренна.
Софья СОКОЛОВА.

Нурма школ



Фотом еш архив гыч налме.

Марий легенде почеш

Маша Глушкова (снимкыште) Медведево гимназийыште 9-ше классыште тунемеш. «Икана ИЗО предметым туныктышем Лилия Вениаминовна Сазонова конкурслан марий фольклор дене кылдалтше комиксым сўретлаш кўштен. Мый «Юмынўдыр» легенде почеш сўретленам. Марий йылмым школышто тунемына, садлан изиш палем. Каласен кертам: комикс мыйым марий йылме деке эшеат лишемден», – оила Маша. Моло йоча семынак

Мария изи годсек сўретлаш йўрата. Тылеч ончыч Медведевысе йоча сымыктыш школыш коштын. Флейте, фортепяно дене шоктен мошта, кызыт саксофон дене шокташ тунемеш. Тений изостудийыште мастарлыкшым вянда.

Х.АЛЕКСАНДРОВА.

Музыкант лиям

Катя Рябчикова Ежово школышто 8-ше классыште тунемеш. Музыка школыш фортепяно дене шокташ коштеш. Ты семўзгар деке шым ияш улмыж годым шўмангын.

– Ешыштына музыкант-влак уке улыт, – оила Катя. – Фортепяно дене шоктымо сем мыланем изиэм годсек келша. Сандене ончыкыжымат музыка дене кылдалтше професийым ойырен налаш шонем.

Катя «Шанс», «Созвучие» конкурслаште сенгыше радамыште лийын. Туныктышыжо – А.В.Мамаева.

Е.ИВАНОВА.



СЫЛЧЫМУТ изолык



Мый Руэм кыдалаш школышто тунем-мам. Мыланем мари йылме урок келша. Эре «визытан» отметкым налам. Уромышто лудаш, возаш да мураш йоратем. Кажне ийын марла почеламутым сылын лудмо конкурсышто мастарлыктергем. Ковам мыланем мари тувырым ургыктен.

Ангелина БОДРОВА.

Ушан ой

Калык муро деч посна мариен илен сенамо? Мари муро, мари койыш — куш от кае, пеленетак...
Ю. АРТАМОЧОВ.

Келшен илаш сай

Ешыштына визытын улына: ачам, авам, шольым, шужарем да мый.

Ачай эрдене эрак пашашке кая. Тудо кас марте ышта. Ме шольым дене школыш ошкылына.

Авам ден Варя изи шужарем монгыштө кодыт. Кечывал деч вара школ гыч толына. Авай мемнам пукша, вара ме бассейнышке тренировкыш каена.

Кастене ешна уэш пырля погына. Кузе кечына эртен, икте-васылан каласкалена. Кирилл шольым дене урокым ыштена.

Кастене шужарем да шольым дене пырля модына, веселан жапым эртарена.

Илья МИЧАНИН.
Шойбулак школ.



«Визытаным» налам



Руэм школын тунем-

шыже
Арслан Смирнов телым мемнан дене илыше кайык-влакын лумыштым кроссвордышто шылтен.



Унала вучена

Сенькан школыш кажне ийын Уна-влакым вучена. Мари сем ден, куштымаш ден Фестивальыш вашлийына. Мари тувырым чиялын, Йоча-влак ружге куштат. Мари Элым мокталталын, Тошто мурым муралтат. Йоча-влак мастар пеш улыт: Түрлө кидпашам ыштат. Теве эртыш калык модыш — Ик түшкаш чыламак погыш. Фестивальын түн пашаже — Мари шұлышым пурташ, Икте-весым пагалалын, Ик еш семын илалаш.

Д.ТИХОНЬКИН, 5-ше класс.
Сенькан школ.



Ачам нерген

Ачам сварщиклан ышта. Тудо шольым-влак дене модеш, книгаг лудеш, авамлан эре полша. Южгунам пырля монгысө пашам ыштена. Яра жапыште шуко онгайым каласкала. Самырыкше годым ачам Хабаровскышто илен. Тушто тудо пүнчерышке сонарлаш коштын, кугу энерыште колым кучен.

Катя ОРЛОВА.
Шойбулак школ.

У ий вашеш

Теве тыгай мотор йүштө Кугызам яра янда ате гыч Аня Ямбаршева ыштен да классышке кож йымак конден шынден. Аня 4-ше классыште тунемеш. Чулым ұдыр тунемаште ончыл радамыште, урок деч вара скрипке дене шокташ коштеш, кидпашалан


мастар. Йүштө Кугызалан йокрок ынже лий манын, Лумұдырым ышташ шона.

Л.П.ЗИМИНА,
туныктышо.

Ежово
школ.



МЕДВЕДЕВО РАЙОН



Индекс: - П4696.

Тираж 1150 экз. Заказ

Формат — А-4-8.

Тўн редактор

Л.В.СЕМЕНОВА

E-mail: yamde_lii@mari-el.ru,
yamde_lii@mail.ru

Сайтын адресше: ямделий.рф,
Тел. 8(8362) 45-22-82(факс)

УЧРЕДИТЕЛЬ-ВЛАК: Мари Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым редакцийште погымо да версталыме, «Мари Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогым эскерыше Федеральный службыв Приволжский федеральный округысо управленийыштыже регистрироватлыме.

Номер — ПИ №ФС 18-1999,
2005 ий 10 февральыште пуымо.

Печатьыш пуымо жап — 14-00,
фактически — 13-00

Авторын да редакцийн шонымышт түрлө лийын кертыт. Серыш-влак монгыш огыт колталт. Ак — кутырен келшыме почеш.

Редакцийн да издательнын адресше:
424006, Йошкар-Ола, СССР
Вооружённый Вийын
70-ше идалькше урем, 20



Шоналтена мо?

Медведево район нерген

Кроссворд



1. Медведево посёлкым марла кузе маньт?
2. «Атаманыч» повестын авторжо. Кугусола ялыште шочын.

3. Н.Арбанын чын фамилийже.

4. Поэт, журналист артист. Йокнур ялыште шочын. Александр ...

5. Артистке А.Страусован шочмо ялже.

6. «Югорно» марий калык эпосын авторжо.

7. М.Майнын чын фамилийже.


8. Медведево район кечывалвел могайрым могай район дене чекым куча?

9. «Советский салтак» ойлымаш-влак сборникын авторжо.




+

Ребус
ПАСУ
(синоним)



+

НЕР
(Е=У)



+



Василий Юксернын илыш корныжо да творчествыже почеш тест

1. В.Юксерн могай ялыште шочын?

А.Кугусола; Б.Непот; В.Ятман.

2. 1954-1961 ийлаште могай журналым вуйлатен?

А.«Пачемыш»; Б.«Кече»; В.«Ончыко».




3. Н.Островскийн могай романжым марий йылмыш кусарен?

А.«Как закалялась сталь»; Б.«Рождённые бурей»; В.«Бедность не порок».

4. «Атаманыч» повестыште тун геройн лумжю кузе?

А.Миша; Б.Эчан; В.Сергей.

Нине лумло ен-влакым палыза.



Икымше марий архитекторын лумжю кузе?

С	О	Л	Ё	Н	О	Е	Д	Е	О	С	С
Е	Н	Е	К	И	Л	З	Л	Р	Р	Е	У
Р	Л	Ш	И	Л	Ь	М	А	С	Ь	Х	Р
Е	У	А	Р	К	Е	Л	О	Д	Е	О	О
Г	У	С	И	Н	О	Е	З	Е	Р	Л	К
Н	О	Л	К	Т	Б	Н	Л	М	Д	А	Л
Д	Б	У	Щ	У	Ч	И	Е	Р	Д	Н	Б
Е	Ж	Й	Т	Б	У	З	С	Ш	П	Г	У
Л	Ш	И	Р	Е	Н	Г	А	М	Л	А	З

Медведево районышто верланыше ер-влакын рушла лумштым муза.

Газетым Печать да массовый коммуникаций шотышто федерал агентствын окса полшыж дене лукмо.

Газетлан материалым ямдыленит:
Л.Семенова, Л.Григорьева,
Н.Семенова, Е.Иванова,
Ф.Лебедева, Х.Александрова.



МЕДВЕДЕВО РАЙОН